



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
SABOR

Broj: SIZ-78/08

Datum, 07. zu-l-ka'de 1429. h.g.

05. novembar 2008. godine

Na osnovu člana 62. Ustava Islamske zajednice u Bosni i Hercegovini i člana 14. Poslovnika o radu Sabora Islamske zajednice, a u skladu sa Zakonom o naučno-istraživačkoj djelatnosti (Službene novine Kantona Sarajevo broj 10/04) i Zakonom o ustanovama («Sl. list BiH» br. 6/92 i 13/94) Sabor Islamske zajednice u Bosni i Hercegovini na šestoj redovnoj sjednici održanoj u Sarajevu dana 01. novembra, donio je

O D L U K U

o osnivanju Instituta za proučavanje tradicije Bošnjaka

I - Osnovne odredbe

Član 1.

Ovom Odlukom uređuje se naziv i sjedište ustanove, osnivač ustanove, djelatnost, način i uslovi obavljanja djelatnosti, organi upravljanja i rukovođenja Institutom, statusne promjene i druge odredbe od značaja za rad ustanove.

Član 2.

Naziv ustanove je: Islamska zajednica u Bosni i Hercegovini, Institut za proučavanje tradicije Bošnjaka.

Skraćeni naziv ustanove je: Institut za proučavanje tradicije Bošnjaka.

Član 3.

Sjedište Instituta je u Sarajevu, ul. Isa-bega Ishakovića br. 2.

Odluku o promjeni naziva i sjedišta Instituta donosi Osnivač na prijedlog Upravnog odbora.

Član 4.

Institut ima normativna i druga akta o radu i unutrašnjem ustrojstvu (statut, pravilnike i dr.) koja su u skladu sa Ustavom IZ u BiH i pozitivnim zakonima BiH.

Institut ima pečat i memorandum. Izgled pečata i memoranduma bit će definiran u Statutu Instituta.

Islamska zajednica u Bosni i Hercegovini - SABOR

Adresa: Zelenih beretki 17, 71000 Sarajevo, Bosna i Hercegovina • Tel: **387 /33/ 446-563 • Fax: **387 /33/ 441-955
e-mail: sabor@rijaset.ba

II - Osnivač ustanove i njezin pravni položaj

Član 5.

Osnivač Instituta je Sabor Islamske zajednice u BiH.

Prava i obaveze Osnivača vršit će Rijaset Islamske zajednice u BiH.

Sabor IZ u BiH ostaje nadležan za donošenje Statuta Instituta te usvajanje njegovih izmjena i dopuna, a na prijedlog Rijaseta IZ u BiH.

Član 6.

Nadležnosti Rijaseta IZ u BiH će biti regulirane Statutom Instituta.

Član 7.

Institut ima status pravnog lica, naučne ustanove Islamske zajednice u BiH i u pravnom prometu istupa samostalno, a za svoje obaveze odgovara svojim sredstvima.

III - Djelatnost Instituta

Član 8.

Osnovna djelatnost Instituta je naučnoistraživačka djelatnost koja obuhvata:

- naučnoistraživački rad,
- osposobljavanje kadra za naučno istraživački rad,
- usavršavanje naučnih i stručnih radnika,
- izdavačku djelatnost
- čuvanje tradicije Bošnjaka i njeno prezentiranje javnosti.

Temeljni vid osnovne djelatnosti Instituta je naučnoistraživački rad u području predislamske i islamske tradicije Bošnjaka, objavljivanje djela iz ove oblasti, organiziranje naučnih skupova, saradnja sa srodnim ustanovama u zemlji i inozemstvu.

Naučnoistraživački rad obuhvata istraživanja u navedenim oblastima i podrazumijeva kreatorski rad čiji rezultat doprinosi otkrivanju novih znanja i korištenju postojećih znanja iz oblasti islamske tradicije Bošnjaka, a vrednuje se objavljivanjem u periodičnoj naučnoj publikaciji Instituta i u drugim međunarodnim naučnim publikacijama ili na drugi način.

Član 9.

Pored osnovne, Institut se može baviti i drugim djelatnostima koje su u vezi sa osnovnom djelatnošću.

Dodatne djelatnosti će biti precizirane Statutom Instituta.

IV - Organi upravljanja, rukovođenja, nadzora i stručna tijela Instituta

Upravni odbor

Član 10.

Upravni odbor Instituta je organ upravljanja.

Član 11.

Upravni odbor broji pet (5) članova koje imenuje Osnivač na period od 4 godine sa mogućnošću ponovnog imenovanja.

Članovi Upravnog odbora su priznati stručnjaci iz oblasti proučavanja islamske tradicije Bošnjaka i islamske tradicije u najširem smislu.

Član 12.

Nadležnosti Upravnog odbora će biti regulirane Statutom Instituta, a način rada Poslovníkom o radu.

Direktor Instituta

Član 13.

Direktor Instituta je organ rukovođenja.

Direktor Instituta je osoba moralnih i stručnih kvaliteta koja samostalno može obavljati poslove direktora koje se propišu aktima Instituta.

Član 14.

Direktora Instituta, uz saglasnost Osnivača, imenuje i razrješava Upravni odbor Instituta.

Mandat direktora Instituta je 4 godine sa mogućnošću ponovnog imenovanja.

Član 15.

Direktor zastupa* i predstavlja Institut prema trećim licima i odgovoran je za zakonitost rada Instituta.

Direktor u svom radu odgovara Upravnom odboru Instituta.

Nadzorni odbor

Član 16.

Nadzorni odbor ima tri člana koje imenuje Osnivač.

Najmanje jedan član Nadzornog odbora je iz reda zaposlenih u Institutu.

Predsjednik i članovi Nadzornog odbora imenuju se za period od 4 godine, uz mogućnost ponovnog imenovanja.

Član 17.

Nadzorni odbor:

- analizira izvještaje o poslovanju Instituta,
- vrši nadzor nad upotrebom sedstava za rad, pregleda godišnji izvještaj o poslovanju i godišnji obračun,

- pregleda i provjerava urednost i zakonitost vođenja poslovnih knjiga,
- izvještava Osnivača, Upravni odbor i direktora o rezultatima nadzora.

Stručna tijela

Član 18.

Institut može imati stručna tijela i odbore čiji će način formiranja i rada biti definiran Statutom.

V - Sredstva za rad

Član 19.

Institut obezbjeđuje sredstva za rad iz sredstava Osnivača, obavljanjem poslova iz registriranih djelatnosti te putem donacija.

Utrošak i raspodjela sredstava vrši se pod uslovima određenih zakonom, internim aktima Instituta i Islamske zajednice.

VII - Prelazne i završne odredbe

Član 20.

U roku od 60 dana od dana stupanja na snagu ove Odluke, donijet će se ostali akti od važnosti za rad Instituta, a u skladu sa zakonom i aktima Islamske zajednice.

U aktima Instituta bit će precizirana prava, dužnosti i odgovornosti Osnivača i Instituta, unutarnja organizacija, načini obavljanja djelatnosti, način sticanja i raspolaganja novčanim sredstvima i imovinom Instituta, prava, dužnosti i odgovornosti uposlenika i saradnika Instituta, te drugi akti koje je potrebno donijeti da bi se obezbijedila zakonitost poslovanja Instituta. *

Član 21.

U slučaju prestanka s radom Osnivač će donijeti odluku o daljnjem raspolaganju imovinom Instituta koja je preostala nakon što se izmire sve obaveze.

Član 22.

Ova Odluka stupa na snagu danom donošenja.



Predsjednik Sabora

Edhem Bičakčić